



Bájkkeavijssa NuorttaSálto

Gut le sáme álmáj?

■ Álgos li dásáduskonferánssa dábálathtat læhkám nissunijda ja sisadno nissunperspektivajn. Dalla ávddánimvuogev rievdati ja sáme álmájkonferánssaj gáhttju.

Nuortarijkaj ministarráde formannskáhpe jagen 2012, aktan sámedikkijn, máná-, dásádus- ja sebradahttem departementajn sáme álmájkonferánssaj gáhttju. Konferánssa le nammadum “Álmáj iellem sáme aktivuodan” ja Rámsán ásaduvvá basádismáno álgon.

Njunnjusj barggo

- Doajvvop konferánssa arvusmahtta aktisasj bargov lassánimijn dasádusás sámij gaskan. Doajvvop aj lassán diedov gábdudagá ja sieradusáj birra sáme álmáj iellemijn subtsas rádevadde Marie Helenedatter Aarbakke KUN diehto- ja dásádusguovdátjin. KUNan le ávdásvástádus mij gullu organiserimij ja fágalsj prográmaj konferánssan.

- Dahkamusá lij geldulasj ja miellagiddis. Njunnjusj barggo. Ij la guossak ávddála tjadáduvvam. Ja muhtema lidjin vehi gáddálisá gá álgijma. Valla gá lijma álggám ruvva buosjesvuohhtaj málsoj, subtsas Aarbakke. Suv mielas le sáme álmájkonferánssa dárbulasj. Diedov vaddá demográfalsj juohkusa birra gen birra li állo jáhto, ja diehto, gábdudak ja sieradusá álu vájllu. Li galle stereotypia sáme álmás, álu riek nievre, javlla Aarbakke.

“Jalla sáme”

Ávdep vahko dábdos sáme bloggátjalle Pål Hivand duohtastij ássjev. Delbastij medijav,

sáme medijav aj, dan diehti gá tjállí ássjij birra ma ávdedij duodas gávvidimev “Jalla sáme”. Vuodon Hivanda tjállusij lij gá soames bæggali sáme vierttijn besat árbbedábálasj sáme biktasijda tjágnat militeran ja doaron. Dassta sjattaj tjállusa sihke Vuona ja Svieriga pressan. – Premissa mij vuoseduvvá dán ássjen le “Vuona sáme gájbbedi” sáme árbbedábálasj biktasijda gárvvunit doaron. Gájbbedi? Ep. Akta sáme gájbbet... guhkálasj oasse dán ássjen le gá tjabu sáme media ij nagá luohpat tjállemis dakkir ássjij birra gánná ájnegis jalla sáme gávviduvvá... Tjállá Hivand.

Sáme álmáj dásádusávdástiddjen

Konferánssa Rámsán ájggu sáme álmájv gávvidit ietjá láhkáj. - Mij la ájnas sunji, majt barggá, majt miejnii? Sávvap dættodit sáme álmáj

Dásádusosálassten – juohkusin gænna le állo ámastit jus dásádus lassán, ja juohkus mij máhtta ietjastis vaddet nannitjit ietjasa ja nuppij dilev. Gullu moadda dásijn rájáj rastá, sámij sebrudagán ja berrahij sissnele. Ájggop álmáj hástalusájt ja tjehpudagájt duon dán bæjválasj vidjurin gehtjastit. Duola degu varresvuodav, bajássjaddamdilev ja barggoiellemav, tjáledum le gáhttjomin.

Álles Nuorttarijkas

Konferánssa dættot ávddánahttemav, máhttelisvuodajt ja aktisasj bargov, ja gáhttju sáme politihkkárijt ságastallamij konferánssa giehtjen. Dajn 11 álgadiddjij li guoradalle, politihkkára ja ulmutja álles Nuorttarijkas ma juohki ietjas vásádallamijt ja ájádusájt. Sjaddá aj hávsskudallam árbbedábálasj ja ádáájjgásasj láhkáj, ja nuorttarijkalsaj sáme dásádusguddneálkka juogaduvvá. Tjáhkanime ja konferánssaoajvve le viddnudakrádevadde Johan Ailo Kalstad (34), gænna li berraha Divtasvuonas ja Hábermeris.

Konferánssa hiehpá juohkkahatttaj gudi barggi sáme gatjálvisáj, dásádusájn ja

Tæksta: Børge Strandskog
Járggálibme:
Divte Media AS/Adrian N. Mikkelsen



KONFERANSEN arrangeres på Fram-senteret i Tromsø.

avtaárvvusasjvuodajn, almulasj suorgen ja iesjmiellusaj organisásjavnán. Diededime ájggemierre le gálgádismáno 1. Biejve, subtsas Marie Helenedatter Aarbakke.

ILLUSTRASJONSFOTO
Gávva/foto: KITTY SKAPALEN

